



**ACARA PARPUNGUAN
PARNINGOTAN ARI
HAMAMATE NI TUHAN JESUS
DOHOT
ULAON NA BADIA**



📖 Ev: Lukas 23 : 44 – 48

📖 Ep: Psalmen 22 : 2 - 12

**TOPIK:
DISEAHON JESUS DO HOSANA**



**HKBP KERTANEGARA RESORT JAWA
TENGAH
DISTRIK XVIII JABARTENGGDIY
JUMAT, 02 APRIL 2021**

I. PANGARADEON:

- a) Parhobas martangiang di parhobasan.
- b) Parhobas bongot tu bagas joro (huhut mangkuling organ BE. 83:1).

II. PARMINGGUON : U = Uluan R = Ruas S = Sude

01. JOUJOU TU PARSAORAN :

U : Hamu angka dongan sahuria, marpungu do hita nuaeng di Bagas Joro on patupahon parpunguan PARNINGOTAN ARI HAMAMATE NI TUHAN JESUS.


R : Tongon do angka sahitta diusung Ibana, jala angka pardangolanta diporsan.


U : Ala ni pangalaosionta Ibana tartullang, binahen ni hajahatonta Ibana mabugang. Ampe tu Ibana pinsangpinsang parhitean ni hasonanganta, jala binahen ni bugangNa malum itahilala.

R : Taida ma induk ni haporseaonta na manaon haporsuhon dohot haleaon ala ni hita.

U : Hita hian do na ingkon hona bura ni patik alai sude bura i nunga dituhuk Jesus, Anak ni Debata Parholong roha na so hatudosan i. Antong, tasomba ma Ibana, marende ma hita :


02. Marende BE No. 81 : 1 – 3 **"JESUS MUAL NI NGOLUNGKU" BL. 185**

 *Jesus mual ni ngolungku, Sipangolu tondingki.
Ai dibunu Ho musungku, ima hamatean i.
Ho manaoni hamagoan, patupahon hangoluan.
Alani hupuji Ho, tung marribu hali do.*

 *Haleaon, insakhinsak, reherehe, tijur pe.
Tali dohot pastappastap, tung ditaonhon Ho sude
Paluahon au na pogos, sian tangan ni sibolis.
Alani hupuji Ho, tung marribu hali do.*

-----Musik-----

(Jongjong)

 *Bugang sada tanggurungmu, Di na hona lingsing i.
Hamamalum ni buganghu na di rohangki do i.
Ho do gabe binuraan au dapotan hangoluan.
Ala ni hupuji Ho Tung marribu hali do*

03. VOTUM - INTROITUS - TANGIANG:

U : Marhitehite goar ni Debata Ama, dohot goar ni anakNa Tuhan Jesus Kristus, dohot goar ni Tondi Parbadia na tumompa langit dohot tano on. Amen. Sintua ni malim sisongon i do tama di hita, na badia, na so jahat, na so marlindang, na so mambolat sian


angka pardosa, naung gabe tumimbo sian angka banua ginjang. Na so pola ganup ari songon angka sintua ni malim i mamboan jumolo pelean taringot tu angka dosana sandiri, dung i taringot tu dosa ni natorop i, ai sahali do i diulahon, di na mamelehon diriNa Iban. Haleluya.


R : (Mangendehon): Haleluya, Haleluya, Haleluya.

U : Martangiang ma hita! Ale Tuhan Jesus, na mate tarsilang do Ho humophop hami halak pardosa, ala ni holong ni rohaM na godang i di hami! Ajari ma hami paingotingot Ho, na targantung di hau pinarsilang humohop hami, ai Ho do haporusannami maradophon rimas ni Debata dohot panoruion ni Patik dohot panolsolion ni roha. Sai sesa jala urati ma dosa sian rohanami marhitehite TondiM na badia i, jala pargogoi ma hami maralohon roha sibuk dohot hisaphisap dohot sangkapsangkap ni rohanami laho mangihuthon Ho, na mangolu jala na manggomgomi rap dohot Ama i dohot Tondi Parbadia ro di saleleng ni lelengna. Amen.

(Hundul)

04. Marende : BE No. 77 : 1 + 4 "HAMU SALUHUT HALAK" BL. 65

 *Hamu saluhut halak, ro ma hamu manatap, hangoluanmu on.
Na gantung di parsilang tumahan hamatean, naeng ingotonmu i tongtong*

 *Au on ro di dosangu Na so tardok rohangku dibaen godangna i
I do na pinorsanMu disi ale Tuhanhu. Marsipal Ho binaen ni i*


05. PATIK:

U : Tangihon hamu ma Patik ni Debata di hita ima na tarsurat di **Mateus 26 : 41.** Dungo ma hamu jala martangiang, asa unang hamu bongot tu pangunjunan, ai na girgir do nian tondi i, alai gale do ia daging!.

Antong rap mangido gogo ma hita sian Tuhan Debata laho mangulahon PatikNa.

S : Ale Tuhan Debata sai pargogoi ma hami mangulahon na hombar tu patikMi. Amen.

06. Marende BE No. 76 : 1 - 2 "SADA NAMA SANGKAP"

 *Sada nama sangkap ni rohangku di sandok portibi on.
Ndang tagamon na so las rohangku, molo jumpang au inon.
Naeng ma sai ingoton ni rohangku, na binaen ni Jesus tu tondingku.*

Uju pinorsanNa i, saluhutna dosangki.

(Jongjong)



Ingkon sai Ibana ingotonku, uju na tarpajal i.

Tu hau pinarsilang ginantungkon, sai mabaor mudarNa i.

Ai humophop au ditaon uasNa, asa dohot au muse upaNa.

Ai ditatap do au on, di pandokNa: "Nunga sun!"

07. MANOPOTI DOSA:

U : Huriani Tuhanta, Tatopoti ma dosanta tu Debatanta, jala tapangido ma hasesaan ni dosa di bagasan Goar ni Tuhan Jesus Kristus.

Martangiang ma hita: Ale Amanami jala Debatanami, na di banua ginjang, Pargogo na so hatudosan! Pardengganbasa do Ho, jala ro di salelenglelengna do asi ni rohaM. Sai marpamuati ma rohaM di hajahatonnami, jala sai unang be ingot angka dosanami; ai jotjot do hami mardosa maradophon Ho, jala jotjot do husungguli hami rimasMu marhite sian pangalaosionnami, di hataM, Ale Tuhan Jahowa, sai unang paingotingot pangalaosionnami, unang alang asi ni rohaM, sai urupi ma hami, Ho ale Tuhan Debata hatuaonnami, palua hami, jala sesa dosanami, ala ni AnakMu, Tuhan Jesus Kristus, Tuhannami. Amen.

R : (Mangendehon) BE No. 686 : 1 "RAMUN DO AU" BL. 686



Ramun do au di joloMi, gok dosangki urasi au.

O Jesus birubiru i, dison do au patau ma au.


U : Ale Tuhan Jesus, tung dipatuduhon Ho do asi dohot holong ni rohaM di na tarsilang Ho di hau pinarsilang i. Marhite silang i di tobis Ho do hami sian bura ni dosa. Marhite silang i ro Ho manghophop hami. Marhite silang i, hamatean diuba gabe hangoluan. Marhite silang i tandap holong ni roha ni Debata tu portibion. Dipasahat Ho dirim tu hamatean gabe pelean na mangolu laho paluahon hami. Urasa ma roha, pingkiran dohot ngolunami, asa marlas ni roha hami paimahon haroroM. Sesa ma dosanami asa unang mabiar hami mida hamatean. Lehon ma tu hami panghirimon na mangolu, asa masihol situtu hami tu ngolu na hot ro di saleleng ni lelengna. Asi ma roham di hami, loas ma hami parjambar di surgo hasonangan i, asa rap hami dohot angka suru-suruan-Mu.

(...Ruas martangiang na hohom.... Musik mangendehon BE No. 686 sa-ayat)

U : Bagabagani Debata taringot tu hasesaan ni dosanta: Ai ndang adong imbar ni i; ai saluhut do pardosa jala hurangan maradophon hasangapon ni Debata, alai angka na gabe pintor, binahen ni basabasa marhite sian asi ni RohaNa, hinorhon ni panobusion na marhitehite Kristus Jesus i, na pinajongjong ni Debata bahen habangsa parasian marhitehtie haporsean di mudarNa. Hasangapon ma di Debata na di ginjang!


S : Amen (Hundul)

08. Marende BE No. 426 : 1 + 4 "TUTU NA MATE JESUS I" BL. 286

 *Tutu na mate Jesus i humophop iba on?*

Durus di hau parsilang i, mudarNa i tongon.

Songon i tutu, songon i tutu. Umbaen na mate Jesus i, siala au do i

 *Tama huhuphup bohingkon marsinggang di joloM.*

Mariluilu matangkon marningot basaMon.

Songon i tutu, songon i tutu. Umbaen na mate Jesus i, siala au tongon.

09. EPISTEL:

U : Tajaha ma Epistel di Mingguanta sadarion imana tarsurat di **Psalmen 22 : 2 - 12.** Ale Debatanku, Debatanku! Boasa tung tadingkononmu ahu? Sai mandaodao do angka hata ni anggukkon sian hatuaonku.

R : *Ale Debatanku, sai joujou do ahu arian, alai ndang mangalusi Ho, jala borngin pe ndang jumpang ahu hasonangan.*

U : Alai nabadia do anggo Ho, marhabangsahon angka pujipujian ni Israel.

R : *Marhaposan tu Ho do angka ompunami, pos do rohanasida, jadi dipalua Ho do nasida.*

U : Tu Ho do nasida manganguhi, jadi malua ma nasida, marhaposan tu Ho do nasida, jadi ndang tarurak.

R : *Alai gea nama ianggo ahu, ndada jolma, haeleson ni halak jala parbilean ni natorop.*

U : Sude angka na marnida ahu marengkelengkelihon ahu, dipangangang do babana huhut mangupirupir.

R : *"Tu Jahowa ma nian dipasahat, asa dipalua ibana, dipangolu ma nian ibana, ai lomo do rohana mida ibana."*

U : Ho do tongon na manait ahu sian ampunan, sipapos rohangku, mangonsop bagot ni dainang.


R : *Dung tubu ahu, sai Ho do parsigantunganku, sian butuha ni dainang dope sai Ho do Debatanku.*

U : Unang mandaodao Ho sian ahu, ai donok nama parmaraan, ai soadong sipartumpak.

Ima sahatna. Martua do angka na tumangihon Hata ni Debata jala na umpeopsa.

S : **Amen**


10. Marende BE No. 84 : 2+3 "AUT NA GINORGA TU ROHANGKON" BL. 195

 *Sai jalo ma au ale Tuhanku baen upa ni na tinaonMi.*

Sai naeng ingoton ni rohangku, tung sasude na binaenMi.

Humophop au pardosa godang, dibahen holong ni rohaM.

Hinorhon ni i tarbaen au sonang, laho mandapothon banuaM

 *Mauliate ma rohangku, di Ho o Jesus Tuhanki. (Jongjong)*

Ho naeng tongtong haholonganku, marningot dengen basaMi.

Antong sai tiop ma tanganku, manogu au tu lambungMi.

Dijalo Ho do tangiangku, sai pos do rohangki disi.


11. MANGHATINDANGHON HAPORSEON:

U : Di bagasan sada panindangion dohot donganta sahaporseon di sandok portibi on tahatindanghon ma haporseaonta i, rap ma hita mandok:

S : **Ahu porsea (Hundul)**

12. TINGTING / SUNGGULSUNGGUL

13. Marende BE No. 412: 1 -- "NDI DI DOLOK ADUI" BL. 387

 *Ndi di dolok adui silang ni Tuhan i, sap mudar, sap tijur do i.*

Jesus mate disi asa malum dibaen sude angka gondok roha i.

Dibaen i, tung holong rohangki mida silang di Golgata i.

Hupasolhot diringku tusi dompak surgo pardalananhi.

14. J A M I T A = Lukas 23 : 44 - 48.


15. Marende BE No. 86 : 1 --- "SILANG NA BADIA" BL. 67

(Pelean)

 *Silang na badia i Ho do lombulombungki*

Maralohon dosa i dohot pandelean i

Di sude sitaonon i Ho ma lombulombungki

 *Nasa na huula i, ndang tau hasonanganki*

Nang ringkot pe rohangki, pola ro nang ilungki

Holan asi ni rohaM, pangurupi o, Tuhan

.....Musik.....

📖 *Ro do au nuaeng tu Ho, sai palambas ma rohaM.
Nunga pola mate Ho, ala asi ni rohaM
Jangkon au na dangol on, sai ulosi tondingkon.*

📖 *Dosa patundukkon au, ho ma mangondihon au.
Ramun situtu do au, mudarMi mamuri au,
Na pogos, dangol au on, Ho ma artangki tongtong.*

16. **ULAON NA BADIA**

- **AGENDA ULAON NA BADIA**
- **MARENDE BE 152:1 “JESUS NA MAMORSAN”**
- **AGENDA TONA TU ULAON NA BADIA**
- **MARULAON NA BADIA (huhut marende)**
BE 169:1..., 174:1..., 178:1..., 190:1..., 194:1..., 449:1...
- **ENDE PUJIPUJIAN: 435:1**
- **TANGIANG PUJIPUJIAN DI ULAON NA BADIA**

17. **TANGIANG PANGUJUNGI:**

U : **Tangiang Pelean... (Agenda HKBP)**

R : **Mangendehon BE No. 204 : 2 “Nasa NanilehonMi”**

Nasa na nilehonMi Tondi ro di pamatangku.

Hosa dohot gogongki ro di saluhut artangku.

Hupasahat i tu Ho Na so unsatonku do.

U : **Tangiang Ari Hamamate ni Tuhan Jesus... (Agenda HKBP)**

Tangiang Ale Amanami.....

(Agenda HKBP)

R : **Mangendehon :**

*Ai Ho do nampuna Harajaon dohot hagogo on, ro di
hasangapaon, saleleng ni lelengna.... Amen.*

U : **Pasupasusu...**

R : **Mangendehon : Amen-Amen-Amen.**

Catatan :

1. *Acara Marulaon Na Badia (Perjamuan Kudus), diaturhon ma dohot duggan di ganup huria, jala dipatupa dibagasan Protokol Kesehatan na ketat.*
2. *Acara Parpunguan Na Hohom, ganup huria ma mangatur teknis pelaksanaan na.*

Praeses

HKBP Distrik XVIII Jabartengdiy,

Parhobas Distrik,

dohot

Sude Pangula Na Gok Tingki HKBP Distrik XVIII Jabartengdiy

Pasahathon

TABE

Tu

Sude Parhalado dohot Ruas ni HKBP Sa-Distrik XVIII

Jabartengdiy :

HKBP Ressort

**Bandung Riau Martadinata, Jawa Tengah, Bandung Timur,
Cimahi, Purwakarta, Yogyakarta, Bandung Barat, Pekalongan,
Cilacap, Cirebon, Cimahi Jln Sisingamangaraja, Brebes, Karawang,
Tasikmalaya, Bandung Tengah, Semarang, Subang, Solo, Cikampek,
Persiapan Resort Betesda Baleendah.**

Shalom.

